

05 дүгээр сарын үйл ажиллагааны мэдээ**Нэг. Удирдлага, зохион байгуулалтын талаар**

Төрийн үйлчилгээний чиглэлээр: Цахим үйлчилгээг нийт 27 иргэнд 170900 төгрөгийн лавлагааг гаргаж өгөөд байна. Нотариатын үйлчилгээг нийт 56 хүнд үзүүлээд байна. Иргэний үнэмлэхний лавлагаа 14 хүн, жолоочийн үнэмлэхний лавлагаа 8 хүн, ажилласан жилийн лавлагаа 1хүн, эд хөрөнгийн лавлагаа 1хүн, иргэний үнэмлэх 3 хүн захиалсан.

Улсын бүртгэлийн чиглэлээр: Төрсний 11, нас барсны 1, биеийн давхцахгүй өгөгдлийн бүртгэл 38, иргэний үнэмлэхний олголтын бүртгэл 27, хүчингүй болгосны бүртгэл 22-ыг тус тус бүртгэсэн. Иргэний улсын бүртгэлийн лавлагаа 7 иргэнд олгосон. Мөн төрсний гэрчилгээгээ үрэгдүүлсэн 4 хүүхдэд төрсний гэрчилгээ дахин олгосон. Шинээр ХХК байгуулах 1 иргэнд зөвөлгөө өгч ажилласан. Иргэний улсын бүртгэлд нэмэлт өөрчлөлт, нөхөн бүртгэл оруулах тухай 5 иргэний мэдээллийг аймгийн улсын бүртгэлийн хэлтэст хүргүүлсэн. Сонгогчийн шилжилт хөдөлгөөн хийлгэх 30 иргэний материалыг 5 сарын 25 ны өдөр бүртгэлийн хэлтэст хүргүүлсэн.

Хууль эрх зүйн чиглэлээр:

Сумын Засаг даргын захирамж 5, тушаал 5-ыг хянаж төлөвлөж гаргасан. Төсөвт байгууллагуудын архив бичиг хэргийн ажилтан нарт гарсан тушаал шийдвэрийн эрх зүйн үндэслэлийг сайн судалж төлөвлөх талаар зөвлөн тусалж ажилласан.

Эдийн засаг, төсөв санхүүгийн хүрээнд: Сумын 2022 оны ОНХС-ын хөрөнгөөр хийгдэх хөрөнгө оруулалтын ажлуудын тэргүүлэх чиглэлийн ажлыг гаргаж багуудын засаг дарга нарт хүргүүлж иргэдээс авах саналын хуудсыг цахимаар болон цаасаар бэлтгэн 5 багийн иргэдээс санал асуулгыг авч ажилласан.

Дөрөв. Нийгмийн бодлогын хүрээнд: ГБХЗХГ-аас 15-34 насны залуучуудыг “ОЁДОЛ ЭСГҮҮР”-ийн сургалтанд үнэ төлбөргүй хамруулав.

ГБХЗХГ-аас байгууллагын дэргэдэх эцэг эхийн зөвлөлийн дарга нарыг арга зүйгээр хангасан онлайн сургалтыг зохион байгуулж төсөвт 5н байгууллага 100% хамрагдав. ХАӨМС-аас шинэ төрсөн хүүхдийг бүртгэж авч, нас барсан хүмүүсийг хасалт хийсэн. ГБХЗХГ-аас Ковид-19 цар тахлын онцгой нөхцөл байдлын үед хүүхэд хамгааллын салбар дундын бүлгийн бэлэн байдал, хариу арга хэмжээний тайлан-г 7 хоног бүрийн 1 дэх өдөр ЕБС, СӨБ-ийн мэдээг нэгтгэн явуулж байна.

ЕБС: 4-12 дугаар ангийн сурагчдын дүнг гаргаж, анги дэвшүүлэх, сургууль төгсгөх ажлуудыг зохион байгуулсан. Тус сургуулийн төгсөх ангийн буюу 9, 12 дугаар ангийн сурагчдын суурь болон бүрэн дунд боловсрол эзэмшсэний гэрчилгээг хэвлэж сурагчдад гардуулав. Сургуулийн үдийн цай хөтөлбөр болон дотуур байрын сурагчдын хүнсэнд хэрэглэх зорилгоор энэ сард нийт багш ажилчдыг дайчлан сургуулийн эзэмшлийн ногооны талбайд төмс болон бусад хүнсний ногооны тариалалтыг хийсэн. Гадна талбайн тохижилтыг сайжруулах ажлын хүрээнд сургуулийн эзэмшлийн талбайг бүхэлд нь хашаажуулж бусад шаардлагатай тохижилтын ажлуудыг хийж гүйцэтгэж байна. Боловсролын Чанарын Шинэчлэл – 5 төслийн сонгон шалгаруулалтад “Бага боловсролын сургалтын чанар үр бүтээлийг сайжруулах” чиглэлээр төсөл бичиж 1-р шатанд тэнцээд байгаа бөгөөд 2-р шат эхэлж байгаатай холбогдуулан тухайн төслийг илүү сайжруулан боловсруулах ажлыг удирдлагын багийн зүгээс хэрэгжүүлж эхлээд байна. Жаахан Шаргын

Нутаг үндэсний бичгийн уралдааны Хичээнгүй бичгийн төрөлд тус сургуулийн Монгол хэл Уран зохиолын багш Б.Амарзаяагийн бэлтгэсэн 12б ангийн сурагчид багаараа 3-р байр эзэлсэн.

Элсэлтийн Ерөнхий Шалгалтын давтлагыг энэ сарын 17-ны өдрөөс эхлүүлж, хуваарийн дагуу өдөр бүр танхимаар хичээллүүлж байна.

Коронавирусын вакцинжуулалтад тус сургуулийн 89 багш ажилчдаас 83 хүн буюу 93.2% нь хамрагдаж 1, 2-р тунгаа хийлгээд байна. Мөн тус сургуулийн 12 дугаар ангийн 39 сурагч вакцинжуулалтад хамрагдаад байна.

Ерөнхий Боловсролын сургууль, цэцэрлэгийн багш, зарим албан тушаалтанд ур чадварын нэмэгдэл олгох шалгуур үзүүлэлтийн дагуу 5 хүний бүрэлдэхүүнтэй үнэлгээний хороог байгуулж нийт багш ажилчдын эхний хагас жилийн ажлын үнэлгээг хийх ажлыг зохион байгуулан ажиллаж байна.

Хүүхдийн цэцэрлэг: Байгууллагын үйл ажиллагаа цахим хэлбэрээр , тасралтгүйгээр хэвийн үргэлжилж, бид ,өөрийгөө хөгжүүлэх цахим сургалтуудад хамрагдах, 7 хоног бүрийн бүтээлч ажлуудаа хийх, теле хичээлийн зохион байгуулалт , зөвлөмж, бататгал хийх, цахим мэдээ мэдээлэл боловсруулах, түүнийгээ хүргэх, цахим сургалтын хэрэглэгдэхүүн боловсруулж эцэг эх хүүхдэд хүргэх, бусад цаг үеийн ажлуудад шуурхай оролцох гэх мэтээр ажиллалаа.

1. Сургалтанд хамрагдсан байдал:

- ✓ Үр дүнд суурилсан бодлого, төлөвлөлт , хяналт-шинжилгээ, үнэлгээ" сургалтанд
- ✓ Жендэр, жендэрийн эрх тэгш байдлын үндсэн ойлголт
- ✓ Төрийн албан хаагчийн ёс зүй, харилцаа хандлага, өнөөгийн байдал
- ✓ Угийн бичгээ хөтөлснөөр, удмын сангаа хамгаалах нь
- ✓ Сургалт хүмүүжлийн орчны эрүүл ахуйн шаардлага
- ✓ СӨБ-ын байгууллагад тавигдах шаардлага
- ✓ 1 дэх жилдээ ажиллаж байгаа багшийн үндсэн сургалт дээрх сургалтуудад давхардсан тоогоор нийт 122 удирдлага болон багш ажилтанууд хамрагдлаа.

Бүтээлч үйл ажиллагаа:

Сургуульд элсэх, бэлтгэл бүлгийн хүүхдүүддээ зориулан "Сэтгэхүй хөгжүүлэх, хэл яриа хөгжүүлэх, зурж, будах, тоглоонгоо хөгжих гэсэн чиглэлээр дасгал ажлын дэвтэр боловсруулан хэвлэж бүлгийн багш нар халдвар хамгааллын дэглэмээ баримтлан гэрээр хүргэж өгөх ажлыг 100% хийж гүйцэтгээд байна.

Цаг үеийн байдал:

Сумын постонд, 2 байршилд 12 багш ажилтан 24 цагаар, Ухаагийн постонд 12 цагаар 14 багш ажилтан хуваарийн дагуу ажиллаж, эдгээр постны ажилчдын хоолыг бусад багш ажилчид хуваарийн дагуу хийж хүргэж ажилласан. 7 хоног бүр явагддаг бүтээлч үйл ажиллагаа хэвийн үргэлжилж, шинэ бүхнийг хийж, хэрэгжүүлэн Бумбаалай цэцэрлэгийн группээр танилцуулж байна.

Эрүүл мэндийн чиглэлээр:

2021 оны 05 сарын 27-ны байдлаар 14 өвчтөн хэвтэн эмчлүүлсэн. Үүний 10 насанд хүрэгчид, 4хүүхэд хэвтэн эмчлүүлсэн. Хүнд хүндэвтэр 2 хүн хэвтсэн.

Урьдчилан сэргийлэх үзлэг 256 байна. Ковид19 вакцины 1,2 тунг өдөр бүр хийж мэдээг ЭМГазар болон бусад газарт мэдээлж байна. Нийт 3138 хүн вакцинд хамрагдахаас 1-р тунд 2665 хүн буюу 84 хувьтай 2-р тунд 852 хүн 27 хувьтай байна. Нийт 3517 хүн хамрагдаад нийт хамрагдалт 112-% тай байна. 5 сард нийт 4 хүний сорьц илгээсэнээр 2 хүн түрхэц эерэг гарч сумын эмнэлгийн хяналтанд эмчлэгдэж байна.

“Хаалга” постонд жижүүрийн хуваарь гарган 24 цагаар ажиллаж түргэвчилсэн шинжилгээг авч байна. Мөн ЭМТөвд түргэвчилсэн шинжилгээг өдөр бүр авч байна. ПГУ болон түргэвчилсэн шинжилгээний мэдээг орой бүр гаргаж мэдээлж байна. Гэрийн ажиглалтанд өнөөдрийн байдлаар халдвартай бүс нутгаас ирсэн 19 хүн хянагдаж байна. Мэдээг өдөр бүр ЭМГ болон мэргэжлийн хяналтын газарт мэдээлж байна. Мөн вакцины 2 тунгаа хийлгээд 14 хоносон болон 72 цагтаа буцах иргэдэд халдвар хамгааллын дэглэмээ сайн мөрдөж байхыг зөвлөж байна.

ЭМТөвийн нэг удаагийн эм эмнэлгийн хэрэгслийн орлого зарлагыг 7 хоног бүрийн 2дахь өдөр burtgel.mn программд шивж мэдээллийг оруулж байна.

Түргэн тусламжийн дуудлага 75 ирснээс алсын дуудлага - 12, ойрын дуудлага63 ирсэн байна. Дуудлагыг цаг тухай бүрд нь барагдуулсан.

Халамжийн чиглэлээр: ХӨДӨЛМӨР ЭРХЛЭЛТИЙН ЧИГЛЭЛЭЭР

Хөдөлмөр эрхлэлтийн дэмжих сангаас зарлагдсан төсөл хөтөлбөрүүдийн талаар сумын удирдлагуудад мэдээлэл өгсөн. Ажил хайгч 5 иргэний мэдээллийг сэргээсэн. 2018 онд Малжуулах хөтөлбөрт хамрагдсан Б.Баярхүү, Т.Ууганбаатар, Д.Баттайван нар 5,610,000 мянаган төгрөгийг бүрэн төлөлтөө хийж дууссан. 2017 онд Ажлын байрыг дэмжих хөтөлбөрт хамрагдсан О.Ууганбаяр 530000 хугацаа хэтэрсэн зээлийг төлж барагдуулсан.

НИЙГМИЙН ХАЛАМЖИЙН ҮЙЛЧИЛГЭЭНИЙ ЧИГЛЭЛЭЭР

ОНОТХҮ-ний төсөл 5-р багийн иргэн Б.Сарантуяагийн төслийг хүлээн аваад Сумын АДЗөвлөлөөр хэлэлцэн батлаад байна.Шинээр 12 хүүхэд бүртгэсэн.

Цалинтай ээжийн 273 иргэнд ehalamj системээр олгогдсон.

Тэжээгчээ алдсны 28 иргэний мэдээллийг Хувийн хэрэгтэй тулган баталгаажуулсан. 24 иргэний тэтгэвэр ehalamj систем рүү хөрвүүлсэн.

Нийгмийн халамжийн тэтгэвэр 59 иргэнд ehalamj системээр олгогдсон. Олголтыг тулган баталгаажууллаа. Засгийн газраас олгогдож байгаа 300000 мянган төгрөгийн тэтгэмжээ аваагүй 202 иргэний нэрсийн жагсаалтыг ebarimt.mn системээр шалган

баталгаажуулж ажилласан. Үүнээс Хүсэлт илгээсэн -41, мөнгө орсон -70, мөнгөороогүй -58, дансгүй -17 Хүлээгдэж байгаа -16 иргэн байна.

ХЭБҮ-гээр 69 өрхийн 315 иргэний 3,760,000 төгрөгийн санхүүжилт хийгдсэн. Хүнсний олголтыг түгээлтээр хүргэж байна.

Нийгмийн даатгалын чиглэлээр: Өндөр насны тэтгэвэрт шинээр Биргэн тогтоолгосон. Мөн 0-3 хүртэлх хүүхдээ асарч байгаа эхийн даатгалд шинээр 2 эхийг даатгалд хамруулсан. Жирэмсэн болон амаржсаны 6 эхэд тэтгэмжийг өөрийн хүсэлтийн дагуу өөрийх дансанд шилжүүлсэн. Эрүүл мэндийн даатгалд 41 иргэн даатгуулж төвлөрсөн харилцах дансанд мөнгийг хийлгэж программд шивсэн. Нийгмийн даатгалын шимтгэлийн өр авлагатай ААН-дтэй уулзаж төлөх талаар мэдээлэл хүргэсэн. Нөхөн тооцох хуулиар жил авах 1 иргэний материалыг авч хэлтэст хүргүүлээ. Мөнххаан сумын нийгмийн даатгал гэсэн вэб сайт шинээр нээн даатгуулагч нар хэрэгтэй мэдээ мэдээлэл болон шинэ хууль тогтоомжын талаар мэдээллийг байнга оруулж мэдээлэл хүргэн ажиллаж байна.

Тав: Мал эмнэлэгийн болон ХХАА-н чиглэлээр: Сүхбаатар аймгийн Засаг даргын тоот албан даалгавар, сумын Засаг даргын А/42 тоот захирамжийн дагуу хийх ажлын төлөвлөгөө, удирдамж, зураглалыг гарган баталгаажуулж сэг зэм устгал, халдваргүйтгэлийн ажлын хийж байна.

Сумын төв ойролцоо хаясан малыг сэг зэм, хог хаягдлыг ЗДТГ-аас томилсон ажлын хэсэгтэй 2 удаа тойрч нийт бод малын 215, бог малын 1200 малыг сэг зэмийг цуглуулан хогийн нэгдсэн цэгт төвлөрлүүлэн хаяж халдваргүйтгэлийг хийгээд байна. Сүхбаатар аймгийн Халзан суманд гоц халдварт шүлхий өвчний сэжиг илэрсэнтэй холбогдуулан Мал эмнэлгийн газрын даргын 2021.05.19 өдрийн 1-65 тоот албан бичгийн дагуу бүх мал эмнэлгүүдэд зөвлөмжийг өгч мал сүрэгт эрүүл мэндийн үзлэг тандалт хийж, сэрэмжлүүлэг, зөвлөмжийг өгөх үүрэг чиглэл өгсөн. Мал эмнэлгийн тасгаас 2-р багийн 46 өрхөөр орж хашаа хороо болон хаваржааны орчмын цэвэрлэгээг хийх санамж зөвлөмжийг хүргэж ажилласан.

2021.05.27 байдлаар 23 хашаа хорооны 90,2 мянга, 28 худаг уст цэгийн 6,8 мянга, нийтийн эзэмшлийн 56,2 мянга, 215 тээврийн хэрэгслийн 1,2 мянга, 3 түүхий эдийн цэгийн 12,0 мянга, өтөг бууцны 9,2 мянга, сумын төвийн 572 өрхийн 00 болон бохирын цэгийн 12,6 мянга, хогийн цэгийн 5,2 мянга, нийт 193,4 мянган м/кв талбайд халдваргүйтгэлийг хийгээд байна.

Зургаа : Байгаль орчин газар зохион байгуулалтын чиглэлээр:

Сумын засаг даргын захирамжийн дагуу “Бүх нийтийн их цэвэрлэгээ”-ний ажлыг 7 хонгийн хугацаанд нэгдсэн зохион байгуулалттайгаар гудамж, эгнээ байр, нийтийн эзэмшлийн газруудад иргэд айл өрх, төсөвт 5-н байгууллага, 17-н аж ахуй нэгжүүд хамтран ажилласан. Үүнд 70 тн хог хаягдлыг зайлуулж, шатах тослох материалын 950000 төгрөгийн зардал гарсан.

Ногоон байгууламж, ургамал, бэлчээрийн талаар

“Бүх нийтээр мод тарих” өдрийг сумын хэмжээнд “Өрх бүр хашаандаа 3-5 мод таръя” уриатайгаар зохион байгуулах тул сумын 3-н группт мэдээлэлийг хүргэсэн. Одоогийн байдлаар нийт 591 модыг 1 албан байгууллага, 72 өрхийн 144-н иргэд мод тарьж 1461200 төгрөгийн зардал гарсан. Ногоон байгууламжийн усалгааг хийж нөхөн сэргээлт хийх модны тоог гаргасан.

Хяналт шалгалтын чиглэлээр:

Баянтэрэм багийн Наран Сарангийн талд Дундговь аймгийн отрын 4000 адуу орж ирснийг сумын цагдаагийн хэсэг ЗДТГ-ын холбогдох мэргэжилтэн нар хамтарч нутаг чөлөөлөлт хийсэн. 2021 оны 05 сарын 25 нд сумын ЗДТГ-аас Баянцагаан, Бүрэнцогт багийн нутаг дэвсгэрт отроор орж ирсэн 7 өрхөд 2021 оны 06 сарын 05 ны дотор нутаг чөлөөлөх мэдэгдэл хуудас өгч ажилласан.

МЭДЭЭ НЭГТГЭСЭН: ТГ-ЫН МЭРГЭЖИЛТЭН

О.ТУЯА.